

衡湘永清集

戊寅春杪
雪亞題



衡湘泉清集卷之三

同邑李揚華鏡軒編次

恩錫

衡山鎮炎方自古尊南嶽峰嶺鬱青葱上有女貞木永抱
歲寒姿肯讓松柏獨清泉馬貞女幼小稱賢淑柳絮才不
矜蘭言吐亦馥有姑嫁衡陽馮君詩禮族前妻遺弱息朝
夕勤顧復教之荻作書嗤彼蘆爲服兒亦戴母慈承歡忘
異腹婚姻結外家絲蘿意遂屬納彩訂良辰鴛鴦偕鳳卜
方期琴瑟和早鼓同心曲詎知二豎纏壻病卧床褥沈腰

衡湘泉清集

卷三

一

瘦不支潘鬢稀欲禿婢媪語微傳耶孃眉共蹙憂思來無
端貞女已先覺無何惡夢驚人去先春速貞女明天義哀
絃奏寡鵠願踐同穴盟甘守空房宿泣誦柏舟詩赴義如
從欲卓哉太守公偉識破流俗生女作門楣豈屑事妝麗
茹蘖成合名高堂願亦足素車送女歸髻經換紉殺登堂
謁伯氏恩誼重骨月憑棺形影徂立嗣宗祧續慕義徧儒
林采風親纂錄我聞古烈士志定身不辱報恩酬所知境
遷情彌篤何意羅綺質處變忘陵谷是雖賦畀殊半亦由
鍾毓疾風知勁草况茲霜雪酷皎日昇九霄光已幽潛燭

請旌達

聖朝綽楔連雲矗

勒方錡

夙聞馬伏波貽書誠輕薄豈獨蘭玉庭子弟都不惡深聞
毓名才禮法仰鍾郝縣延百世間華族今猶昨有女撒瑣
環貞心甘澹泊湘水漾淪漪衡山增峻嶸山水高且深清
風振寥寞

俞樾

有明歸熙甫著論詆貞女謂未與同牢勿以婦自處我竊
衡湘泉清集

卷三

二

謂不然斯語太莽鹵古人所制禮禮意宜細剖壻死女斬
衰往弔於其所婦人不貳斬此禮豈輕舉既已爲之服何
敢棄如苴既已登其堂何忍出其戶禮爲中人設故未竟
其語去畱任自爲或聽母與父延陵一劍耳所重在心許
奈何許以身始終兩齟齬偉哉馬貞女茹荼不知苦總帳
易青廬麻衣拜粟主

天子哀其貞華表墓前樹士夫重其貞徵詩徧藝圃我故
作此詩意在求之古不見衛女詩宣尼之所取異日采輯
軒風教儻可補

清泉有女扶風氏絳帳家聲習圖史待字深閨二十年委禽權屬馮公子馮家公子馬氏甥兩姓門庭耀金紫嘉耦方欣附鳶蘿穠華莫湧歌桃李人生榮悴那可期福慧從來少兼美金綫閨中促嫁衣玉樓天上徵才士驚心噩夢是邪非消息依稀傳侍婢黃鵠分飛慘不禁青禽將命爲誰使含悽忍淚語耶孀薄命虛生今若此女身有屬未分明女志靡他常自矢未得同牢奉帚箕亦宜入室供盤匱偷生慙說未亡人婦職當修豈惜死始信門楣仗女兒耶

衡湘泉清集

卷三

三

孀悲極翻成喜殷勤媒妁更通詞女子有行自茲始精衛拚將憾海填螟蛉許作遺孤視雪色麻衣謝綺羅雲鬢翠經除簪珥依然百兩爛盈門不見三週親御軌淚雨紛紛血點殷悲風颯颯陰霾起無端哀思感途人况復傷心同戚里死別生離在此行臣忠女節無殊理衡山峻極湘水清此節清於在山水

光緒二年春彭宮保雪琴星使弭節荆江爲言其鄉人馬貞女事足以興起薄俗并示以詩屬與同作勉次其事衍爲長句愧不能闡揚懿行也

彭瑞毓

有女有女出清泉懷珍抱璞完其天深閨弱質得正氣乃
與日月爭光妍我欲濡毫寫奇節班管未下涕泣漣嗚呼
一歌兮歌已悲悲風颯颯吹羅幃

馮生中表千人俊早向名門納玉鏡百年好合會有時豈
料才人偏善病二豎膏肓那可驅馮唐未老嗟無命嗚呼
二歌兮歌聲慘天地昏霾白日短

先時聞病暗垂泣噩夢不知經幾夕斯時厲志誰能知腸
雖百結心則一追聞凶耗闖然來恍似寒冬驚辟歷嗚呼

衡湘泉清集

卷三

四

三歌兮歌欲斷血淚橫出飛蓬亂

蒼天蒼天那可呼惟有耶孃當憐吾兒不捐軀憂父母容
兒奔喪祀舅姑入門一痛氣瀕絕道路聞者皆嗟吁嗚呼
四歌兮歌四疊鄴湖湘水亦嗚咽

從來臣事君兮女適人皆憑道義存其真豈無嗜利忘恩
者往往臨危貳其身貞女未嫁獨守義可質神鬼法臣民
嗚呼五歌兮歌勿苦衡嶽高名垂萬古

調寄踏莎行

杜文瀾

系出扶風絲牽大樹璇閨名早衡陽著雀屏纔締鳳鸞盟

麝熏痛折鴛鴦炷 月缺難圓茶甘耐苦無姑作婦延夫
緒此心更苦更分明煌煌焯焯

天語

秦細業

英英席上珍婉婉閨中娥本是朱陳親冰言來芥柯方期
百年偶喬木坳蒿蘿天胡不相弔郎君遠札嗟銜石詎填
海精衛傷如何女身未分明女志矢靡他耶孃幸哀憐麻
衣謝綺羅送往拜木主先靈淚滂沱瓣香晨昏奉紡織勤
機梭寡鵠啼永夜孤鸞守寒窠輶軒定見采疏奏

衡湘泉清集

卷三

五

金鑾坡

龍綸特褒美貞珉酌魏峩峻節比衡嶽清名流湘波長使
行路人瞻之感嘆多

張景渠

衡嶽峰高插天峙湘江源遠清且泚山川靈秀鍾毓奇聞
氣攸分生之子阿父太守系扶風妹適司馬大樹門有男
弱冠官少尉以女字之嫻聯嫻當時薦蘿施松柏佳婦佳
兒冀髮白誰知琴韻滯和諧竟使訃音聞倉卒石銜精衛
憾難填女也茹蘖心彌堅入拜先靈抱粟主泣號夫塔壘

桐棺未嫁守貞古難得父兮母兮俾完節爲謀似續羣議
同準理衡情允繼絕能讀父書在孤雛有後夙願償亡夫
事夫難效比翼鳥嗣子應爲千里駒從此素帷仰淑德顧
復恩勤盼成立哀聲斷雁助淒清和淚丸熊無月日卽今
聖代頒綸音表揚貞節綽楔新更卜地靈起人傑教成畫
荻酬苦心

夏獻登

未奏房中樂琴絃早輟彈拜靈憑木主問塔撫桐棺矢志
堅貞苦傷心似續難清泉多節孝採俗重遺官

衡湘泉清集

卷三

六

程雲俶

岫嶺千仞高兀峙貞姜石衡湘萬里流潔濯素娥魄山水
毓靈奇豈必薄巾幗伏波有嬌女珍比握中璧翦髻奉姆
訓婉婉容與德辭霏詠絮才書壓簪花格大樹附絲蘿舊
姻而新特紅豆祝東風標梅遲南國何意玉鏡臺忽投惡
消息長沙賦不祥文園病已劇入夢泣瓊瑰披衣起嗚咽
隻身赴義來鬢總罷膏飾羣知紀配心漫截崔姜髮入廟
拜先靈分明供婦職類我望嗣孤楹書珍手澤繁世少完
發懷清臺百尺况逢未嫁時守貞更難得何以喻孤高隻

影霜天翻何以况堅貞勁節冰巖柏我聞女也風神傷心
爲折

九重旌節恩萬古管形式願續漆室吟譜入湘靈拍

倪文英

清泉水清且瑩灌綠醜植女貞誰家女馬扶風誰家婦事
馮公訂姻盟未笄字姪從姑松蘿施夫煥孝冠而亡女未
嫁神怛傷泣血言許身殉願同穴曠日信父曰嗟兒無殞
往女家名義盡告諸馮素車歸母天只著麻衣忠孝門迎
女至成婦禮終厥志見於廟祖宗涕嫁未嫁無同異上日

衡湘泉清集

卷三

七

月下冰霜中有女與爭光繫衡嶽產精忠赴國難勵匪躬
迺巾幗義從一報所天盟金石蒼梧竹世其青沉圃蘭載
其馨上輶軒榮綽楔媿彤管揚節烈女未亡心永貞我作
詩清風生

孫元垓

男兒義氣重女子操持珍十年一字不可改天荒地折空
傷神湘娥啼哀帝女下前山古竹痕鮮新深恩那必在承
事馬知伯樂猶吟呻側聞鬚眉客白日當青春一編故簡
勞往復錙銖計較能紛綸妾心如廢井水銅瓶久缺生

凝塵若教持劍向人去未解還持卻照身

汪行恭

得靈淑氣骨乃清得堅定氣志乃貞既清且貞繇天生豈
料巾幗乃錚錚昔我驅車清泉城道旁太息厥口并扶風
鉅族卓著聲許字馮家禮未成有婿不幸錮疾攬天乎脆
折年正英噩耗傳來魂夢驚血淚闌干襟欲盈禮順人情
或改盟貞女慷慨大義爭從一之義豈可更翩然辭母出
門行鬢經廟見兒志明雖然大厦勢將傾一女之力乃可
撐上答父母舅姑心下慰夫婿九京情蒼蒼用報女志精

衡湘泉清集

卷三

八

螟蛉入嗣角崢嶸清泉肇錫有嘉名貞女千古常旣旣

徐琪

衡雲不輕開氤氳鬱奇氣忽見數峯青恍疑遇佳士不圖
巾幗中慷慨丈夫志扶風昔巨族伏波溯遙裔玉樹燦瑤
葩月裏紅絲締姻緣姑之子將軍舊馮異勿慮中表嫌此
中有精義孝哉閔子騫同根而殊蒂賢母實後來衣蘆免
流涕遂聯一家歡永作百年計造物何悠悠才人轉生息
椿樹凋秋階萱花墮春砌哀毀百憂煎精神漸頹廢世無
返魂香天有玉樓記噩夢來深閨中宵不成寐曉起猶驚

疑赴音踵門至家人憐掌珠相約事同秘誰知柏舟心女
已若先何逝者不可還生當從之地相與侍尊嫜共領泉
臺味雙親駭無策萬全誠匪易寶鏡已不圓片玉忍同碎
女聞心轉戚節孝更兼濟強回殉烈腸堅矢守貞意悲哉
新嫁娘非復合歡被縞袂登素車脂痕洗血淚從此孤帷
中夜雨重門閉蓮花雖不染松柏自常翠宗鄙歎其賢許
爲立佳嗣里巷聞其風紀載入文字官長達之

朝坊表壯瞻視由是妝臺名遙遙徧陬澁我家湖水旁遠
隔湘之浹就學退省盦因得悉其事慨焉發長歌淵源溯

衡湘泉清集

卷三

九

所自此邦毓菁英生才各殊致 中興並人傑吾師首奪
幟江海挽狂流烽烟不能熾一時氣所感閨閣亦奇恣勁
節侔純忠義爰占不字山川既生色吟咏足風世豈徒紉
佩蘭幽怨騷人思所慚瓦在聲亦入瓊瑤竒莫與湘靈聞
竹外斑猶漬

馮一梅

秋風嫋嫋洞庭波湘妃灑淚蹙雙蛾衡陽雁陣凌霄宇南
飛爲我寄高歌楚邦自昔勵名節汨羅猶著靈均烈何期
巾幘亦鬚眉千古忠貞成兩絕淑媛壺德由天授澧蘭沉

芷發奇秀不學徐陵詠玉臺不羨靈芸工刺繡霜雪爲姿
冰爲心環佩嫋嫋塵不侵華門清顯黃堂貴姆訓夙嫻彤
史箴佩纓憶自蹇脩繫競誇宅相屬佳婿慈姑猶是小姑
情葭葍重重聯並蒂東牀才調况青年金雀屏開豈偶然
温郎畱鏡原奇遇裴航搗藥是仙緣駒走烏飛歲復歲吉
期漸近天桃麗方待瑶軒結錦綺豈知黃鵠竟先逝憾海
滔滔百事非精衛含冤血潘衣日窮激浦流無盡愁壅泮
陽雲不飛松柏有心詎容改兩髦矢誓志固在願學姮娥
奔月宮青天夜夜永無悔賢哉高堂鑒女奇慨然嘉許無
衡湘泉清集

卷三

十

遲疑可憐釵鳳分飛日正是迎歸百兩期玳梁岑寂棲孤
燕酒漿爰備靈幃奠式穀從茲負螟蛉嗣續竟能延一綫
吁嗟乎親迎六禮猶未成原理稍殊割臂盟破鏡難圓非
得已或不如斯亦常情胡乃此心如鐵石寸丹耿耿貫精
誠允宜上聞達

聖聰

鸞書翠軸袞清貞我聞亮節心亦傾吳謳紀美蟲蛙鳴他
日良史爲作傳何但欽仰巴婦清翹企衡峯千里外願與
岫嶼神碑並畱不朽之盛名

梅昨在俞蔭甫夫子前獲讀馬貞女徵詩啓已作七言
長歌應命頌花農同門又以是啓索詩適有客謂余曰
若貞女者信難能而可貴矣然揆以中庸之道似有所
疑焉聖人不責人以所難恐生乎其後者莫能爲繼也
然則貞女或不免賢者之過乎余曰不然婦人之道從
一而終此義皇以來古義也故曰女子貞不字十年乃
字古人於將字未字之先鄭重若此焉有已字而可改
字者乎惟貞女深明天道故能曲盡人倫豈淺識所能
喻乎彼世俗庸愚不能盡遵此義欲寬其律以責之或
未始不可而必欲以彼爲是以此爲非則斷斷乎不可
也爰更作五言長古以辨之

衡湘泉清集

卷三

十一

太極生兩儀陽一而陰二必義畫卦爻千古垂此義羣動
貞夫一承天莫若地臣道與妻道準此無殊致卓哉馬貞
女深明造物意絲蘿締因緣金石盟素志雖未百兩迎已
堅十年字鸞鏡忽分飛矢誓不改事入門攀孤帷空房甘
位置綽約姑射仙暗彈殘室淚荆布終其身步搖捐珠翠
形管揚芳型青簡聿可記或疑其太過效法非所易揆諸
中庸道似不免遺議豈知貞女心原非好爲異人生無二

天斯理何忍棄一諾重千金臨難慚苟避已嫁固爲婦未
嫁詎兒戲朋友守前盟贈劍猶篤誼豈以閨閣身而可無
顧忌責人或從寬律己必求備從今俯仰間庶幾許無愧
寄語天下士吾輩亦此類當求我獨醒莫學眾人醉彈冠
俟他時功名雖未遂草莽亦爲臣媵修勿自墜持此堅白
心毋或欺夢寐

沈燦

噫吁嗟貞女峽虎豹不敢棲女貞木鴟梟不敢啼古來女
子重貞烈死生可易心難移衡州世族扶風馬閨中有女

衡湘臬清集

卷三

三

班昭亞淑女惟容君子求薦蘿誰許聯姻姪馮家世誼渭
陽親馮郎才貌尤超倫鍾瑾母妻原一姓朱陳世代更聯
姻赤繩從此三生繫世事偏多不如意弄玉方期跨鳳遊
蕭郎先已乘鸞逝妝臺曉起聞鴉啼訃音一紙來如飛閨
中聞信驚欲絕肝腸未斷魂先離此時貞女悲無語憾不
從郎泉下去此際貞女志愈貞吾頭可斷名難更淚枯血
湧筋肝腸積哀骨立形神傷慈母憂兒成疾病家人覘隙
共隄防兒身雖在生無謂兒命如斯更何悔若得招魂死
亦甘未親含殮心終愧含羞忍淚呼孃告願撫桐棺親一

弔兒身生死屬馮家願盡兒心全婦道阿孃勸慰阿耶愁
星姨月姊爭相畱此心如石不可轉惟拚一死無他求高
堂遣嫁悲無奈臨行泣向庭幃拜吉服偏將縞袂加素車
聊爲青廬代迎門漫說爛如雲望到空堂欲斷魂莫得椒
漿聊合盞奉來栗主暗呼君撫棺大慟君聞否此身原是
君家婦生前未得侍湯藥死後猶將奉杯酒總幃弔影伴
昏黃麻衣拂地人如霜歌到新婚偏死別喚他新婦更心
傷尊章泉下悲相憐宗族親鄰爭道賢願爲刊碑傳苦節
許其立嗣奉殘年貞名藉甚人爭說大吏封章馳奏入

衡湘泉清集

卷三

十三

鳳詔榮旌貞節坊

龍章寵表閨門式衡山湘水盡生光沉蘭澧芷爭馨香閨
中婦女爭稱羨地下郎君暗感傷吁嗟乎男兒忠孝女貞
節萬古流傳名不滅試看階下女兒花風前亦放花旌節

徐恩榮

衡山有憾依然在湘水無情只自深水色山光雨清絕也
應共此百年心

一編傳寫到天涯姓字流芬護碧紗帳望天南女貞樹春
風吹遍不開花

徐士駢

春華灼灼初弄芳零香吹斷合歡樹湘女紉蘭方及笄薄
命如絲等遭遇女本巨族儕金張乘龍得壻門闌昌温家
玉鏡未相合藍田白璧中摧傷并水無波永相誓十年已
字甘齧齒能挽艱難身後謀差愈相隨同穴死含悽檢點
嫁衣裳黃竹箱中裂羅綺六親持踵泣相送女曰勿悲此
命耳長謝鉛華登素車衡山山麓猿爲嗛忍見芙蓉隱繡
褥惟餘玉筋霑麻衣羹湯料理已無從庭蘭移接終不盡
但慕人間阡表芳未覺樓中燕巢冷吁嗟乎從容盡節世

衡湘泉清集

卷三

古

所悲清風之嶺未足奇誰揭貞心託歌詠明時方要柏舟
詩

王廷鼎

男兒有忠孝婦女重貞節四者難強爲爲者皆人傑公道
古今存靡不樂昭揭矧此馬貞女更與常女別貞女籍清
泉生長欽閱問名來中表朱陳姻再結厥壻曰煥孝清
名符玉潔葭苧而絲蘿嘉耦莫相埒詎知抱才者往往早
摧折斯疾厄斯人一病竟永訣貞女聞凶耗飲泣心爲裂
穀雖未同居死便誓同穴許字許之身旦夕思引決乃翁

一再慰兒勿徒守拙殉夫固不難誰爲夫繼絕許以素車
迎巾縞易鬢經貞女遂于歸毀容環瑱徹但知成婦禮節
操盟冰雪從容式穀謀一脈終連綴義聲震里閭輶軒經
採擷奇行動

天顏殊恩榮綽楔小詩原贅疣感慕烏能輟聊爲發長言
翰墨亦芳烈

高鵬年

衡湘江水清而潔衡湘水兒節且烈扶風馬氏女女中之
奇特標梅句旣賡天桃期未及不幸驀地一聲驚痛所天

衡湘臬清集

卷三

五

失一解貞女含酸肝腸決裂大義了然從容勸策忠臣無

二主好女不二適誓死歸守空幃以視鬚眉丈夫血氣尤

憤激

二解

父母全其志姻黨嘉其節許其螟蛉猶子以成

立三黨交推婦孺歌泣四海相傳道塗嘆息

三解

衡陽彭

官保採風知之悉謂天下有如此女子不可沒爰命不才

作歌紀其實慷慨淋漓達之筆愧莫表揚千萬中之一

四解 吁嗟乎歐陽母氏樂羊妻芳躅後先堪繼跡貞女况乃

生面之獨闢不見夫

丹詔煌煌輝生蓬華穩教萬古千秋姓氏不磨滅

五解

巍巍衡嶽擎天柱間氣直鍾賢女子扶風淑媛剛垂髻玉
潔冰清已如此歡承色笑慈親前三從德備率其天錦機
不羨若蘭慧眉案惟稱德曜賢自從玉鏡臺爲聘比翼鴛
鴦期共命寸心永矢百年偕鬼神皎日同相證馮郎壯志
摩青雲馬空冀北才超羣讀破萬卷不知倦蘭膏繼晷終
宵焚嘔心長吉耽吟癖善病相如苦消渴豈知上界玉樓
成天公愛此生花筆一朝持節來巫陽芝焚蕙歎摧肝腸
女聞訃音淚如雨願效弄玉隨蕭郎毀容絕粒面灰紙義
衡湘泉清集

卷三

十六

不獨生辭怙恃七香車換素車來撫棺長慟惟求死耶孃
族黨爭慰勸視息人間非夙願心澄古井明月知寡絲彈
出湘妃怨許爲似續延夫宗含冰茹蘖圖其終眼枯血淚
麻衣溼竹勁松堅節操同滔滔東海有時竭亘天寶婺光
難滅共將彤管播芳徽烏頭綽楔褒貞節

吳縵雲

回雁峯高霜似雪試心石上鶻啼血風淒月黑泣蒼梧今
古死生同一節豪士扶風品絕倫榮膺五馬耀霓旌已頌
神君歸宦轍更欽賢女勒貞珉女兒生長衡山麓掌上明

珠珍棄積未下温郎玉鏡臺先遭杞婦崩城哭佳婿風流
道姓馮可人如玉譽乘龍辛勤種就十雙壁庚帖裁成一
紙紅本來兩小無猜忌情重潘揚情益摯將闢秦樓引鳳
吟更營金屋迎嬌貯舊媪新姻親復親慙婢獲往來頻
晨昏互報平安信閨閣難瞞瑣屑情無端風聲遞到耳爲
言馮生病不起紅窗頃刻冷飛霜繡襦幾重寒透水此時
有口不得語欲往從之心媿沮名雖伉儷面不謀身未分
明心已許無言鎖日坐針氈日九迴腸劇可憐拚使此身
完白壁誓教夫婿笑黃泉果然鵬鳥賦新春詎入深閨色

衡湘泉濇集

卷三

七

不驚擯棄鉛華顏慘淡從容髮經手經營那堪待闕鴛鴦
社忽作徵聲彈鵠寡桐枯半死曷歸乎泣拜雙親兒去也
漫說牽絲引洞房世間無此事淒涼花燭覆燃人一箇桐
棺三寸泪千行遂令觀者成堵市嘖嘖爭誇奇女子虧它
事死如事生其身雖生心則死君不見楚貞姬瓊瑤卻聘
重當時又不見衛共姜柏舟矢節勵風詩女也卓然大義
持從夫從子兩全之作人須作千古人鬚眉識見巾幗身

試看

天上絲綸語何羨人間羅綺春吁嗟乎戴女哭夫卽爲婦

不刊論定長蘆叟
曝書亭集中有
書戴貞女事
湘江煙水溯江潮注盡
波瀾名不朽

孫瑛

朱陵太虛之洞天中有綽約姑射仙黃鵠孤羈女貞木悲
鳴七十二峯前懿彼馬媛淑姿妍五馬名門女蘿聯于歸
未賦桃夭章靡慝遽誓柏舟篇愁雲紫蓋岡連延北渚帝
子迴龍駟摩笄有石天難補滄桑雖易免何填人言廟見
始爲婦女曰委贄臣節全壯哉巾幗鬚眉氣有死無二軀
猶捐素車百兩颺風旋麻衣髮經卸珠鈿蘭蕙麗質松柏

衡湘泉清集

卷三

六

心秉栗榛脩登堂虔上瞻遺像下重泉凌虛失翼冬涉川
空房曠朗靈坐肅同穴窈冥私自憐霜華夜夢鴛衾冷月
窟魂飛鸞鏡圓回雁峯邊雁流哀蕭蕭木葉芙蓉巔曜靈
急節四序次日晚鄱湖血杜鵑繫昔截髮夏侯女亦有斷
臂李氏賢以彼貞女相頡頏矢志冰霜操更堅衡山崩另
孕嵐煙七澤三湘清且漣扶輿磅礴鬱忠義間氣鍾靈及
嬋娟揚聲

紫闥簡冊編

天書寵錫燦金箋山高水長表璇闥輝煌彤管萬斯年

楊振錦

衡山仰彌高湘水流不濁降才多瑰奇靈秀由鍾毓非惟
出名臣中復生賢淑清泉有良媛扶風本世族自幼內則
嫻無瑕媿美玉舊姻締鴛鴦儔新昏遲鳳卜何期噩夢驚命
先夫婿促哀訃達深閨斷腸唵寡鵠不爲連理枝願作女
貞木大節明高堂往送全委曲承先拜宗祏裕後立似續
桐棺七尺憑葛經百年服苦行稱鄉閭清芬表戚屬廟見
始成婦禮經詎未讀顧念從一終委身不可辱舉世慨委
蛇賴此勵風俗綽楔光門楣榮荷

衡湘泉清集

卷三

九

天恩渥學校廣徵詩上備輶軒錄不才景芳型往事增感
觸烈女說同宗有祠建惠麓

同治壬申無錫馬烈女奏請
旌表秦澹如師爲之立傳

吳楚並世生悉稟坤德育一姓得二難正氣千古卓

陳 銛

貞女不易節貞士不貳行冰霜胡不仁竹柏有本性豈無
妖閒女五嫁猶待聘夫婿執戟郎巧笑畫眉靚棄置莫復
道申禮甄受命律身動爲則并謝終譽合造物本無心時
趨尤醜正漁父忌獨醒疇不圖究竟矯哉馬氏女榮鬱空
兩鏡特操無古今聞風彌媿儆

衡州馬貞女事以啓徵詩爰仿吳梅村紀事體敬題長
歌一首詞慙絕妙何敢書孝女之碑事有足傳聊以代
貞姬之傳云爾

貞女泉清且潔女貞木堅且烈古多貞婦少貞女自來未
婚難守節扶風世族禮夙敦家傳懿範嚴閨門生男立品
女立志溫公家訓疑猶存膝前有女顏如玉籍甚聲名賢
且淑馬帳絃歌幼素聞鯉庭詩禮書能讀待字盈盈正及
春綠華豈肯嫁凡塵選楣未易逢名士擇壻偏難遇可人

衡湘泉清集

卷三

三

馮唐家世原親誼蔦蘿重與郎君繫姑姪重逢嫁一家舅
甥兩代婚重締外家又結百家媼從此春光已屬人聘梅
何幸逢嘉耦嫁杏還須待早春誰知好事天多靳紅鸞偏
照孤鸞命繫得紅絲續命難照來玉鏡驚郎病瘦煞潘安
病不支霜風昨夜凋瓊枝離魂應向深閨別惡夢先驚小
玉知閨中聞病悲生泣暗卜金錢都不吉消息方期倩婢
探訃音已報敲門急此時貞女淚湧泉含悲莫訴空呼天
此時貞女志已定烈女未聞從二姓幾回絕粒求同死幾
度剜心明已志入地思從同穴盟指天自矢終身誓勸之

不得哀且憐強之又恐生難全不如從之婿家往俾得盡
哀夫靈前素車一乘人來否花冠不戴蓬飛首抱來木主
恍見君拜倒靈幃甘作婦此身從此屬郎君影堂抱影伴
晨昏未曾爲婦先成寡纔學呼郎卻喚魂牽絲可奈魂難
續撒帳可憐人是獨合吞虛將樽酒澆卸妝已換麻衣著
照來綠燭冷無光忍喚空房作洞房不待新婚先死別那
堪故鬼作新郎吹簫盡作孤嫠曲廟見先靈應代哭婿貌
空憐畫上嬌婚期卻伴靈前宿此時悲哭痛心肝此際旁
觀淚共彈戚里爭談新婦節諸嫠憐作女兒看空床願盡
事真宜永勒碑

聖代卽今崇節烈誰家生女重門楣

龍章下逮門閭錫湘水衡山盡生色旌節榮開戶外花望
夫莫化山頭石吁嗟乎貞女泉水不竭女貞木風不折我
將書作貞女碑願與曹娥同對立

金曰修

苦守冰霜節扶風之子賢
桃夭詩未賦松操志彌堅
卓衡山麓清清古井泉
芳名應不朽湘水比澄鮮

潘祖謙

女貞一樹曉風寒
腸斷天邊降玉棺
射雀屏方占中目
雕龍才已竭
嘔肝柏舟誓死心
靡忒鬢髻登門淚
總酸彈盡斑斑湘水竹
鏡臺孤影守青鸞

吳鳳塔

片玉無瑕月不圓
誓將大義矢清泉
衝寒冰雪貞心潔
自

衡湘泉清集

卷三

三

古松筠苦節堅
銜石難填精衛海
孤絃忍唱鷓鴣天
表揚

寵拜

綸音渥遙望湘波落日邊

王鉞

扶風有淑媛
生不耽書史
幼字馮家郎
雙璧競誇美
待年未迨吉
中道郎先亡
牽衣別父母
素車歸壻鄉
古井水無波
妾志已早決
血泪紛千行
撫棺願同穴
捐軀片時易
百歲艱守貞
存亡揆大義
取舍權重輕
爲郎奉祭祀
誠敬薦烝嘗
爲郎立妣續
奕世綿書香
懷冰不知寒
茹荼不知苦

郎生多缺憾一一爲彌補不可死而死死轉心未安時窮節乃見正氣高雲端

聖代重綱常綽楔褒芳烈詩人載歌詠濡毫表奇節衡山峩且高鄙湖清且激中有女貞木千載長青青

蔡濟勤

繁冰之清不如女之心繁雪之潔不如女之節扶持倫紀

挽頽風性錚錚似鐵牽以絲完我壁一解請王萍請執箕

洞庭可涸盟不移天上比翼鳥人間連理枝二解百兩未

御凶耗來此生此遇何酷哉奮欲攜手歸夜臺三解祀誰

衡湘臬清集

卷三

三

承死何補不願蘭茝甘疑荼苦往得有兒繼門戶大聲振

雷霆鼓此志超超越今古四解竟著墨經去不作紅粉歸

守禮小伯姬灑淚俸湘妃五解無夫俟著女心悲撫子承

桃女心樂里黨之榮少尉福閨閭頑懦一振作六解忠臣

烈士皆多情但完我節不計鏗鏗名以之相較孰重輕人

言卓卓自視平平七解貞珉寫奕

龍光照以節爲名女心悼人其哭鬼其笑八解

王詒壽

白石已爛海水枯哀禽夜叫霜模糊女子許身卽有夫妾

雖有夫命已徂妾夫一死不復生可憐妾身未分明入門
矢志甘守貞耶孃相送慟失聲撫棺無術呼魂起總帷血
淚凝秋紫妾身未死妾心死一掬寒沈井中水吁嗟乎大
義雖存知者寡扶輿淑氣鍾姪姪君不見湘江之濱衡嶽
下馮家之婦貞女馬

許德宣

吁嗟乎旌節花仁壽木湘嶽鍾靈生使獨冰霜雨露花自
榮傳不朽木之壽君不見馬太守女馮少尉婦在家從父
出閣從夫既受聘兮夫先殂結褵篇不忍讀汎舟詩不忍

衡湘泉清集

卷三

二四

續孤凰願負雛鳳宿地下有知新鬼哭新鬼哭故鬼笑家
翁栗主見於廟九泉有子心弗悼况我貞婦

龍光照女之生衡之陽女之歸同其鄉人傑地靈大節彰
英雄兒女相頡頏莫耶自古隨干將洞庭波渺山蒼蒼

藍補

冰雪聰明蘭蕙姿脩全福慧在兒時鏡將預整長圓匣屏
豈輕開濫引絲依膝不殊珠玉視同心定卜室家宜賢名
蚤已芬人齒生女如何便欲悲

射雀有人中選來何勞蝶使與蜂媒諛關盧李姻重締好

篤朱陳粧待催篋綫曉撈忙背理燈花夜卜喜添開春風
總有桃天日月盼圍欒過幾回

雙星正欲會銀河腰疼休文奈病何難把柔情通吉了誰
將靈藥乞嫦娥天教短命忌才士人憫深閨作夢婆從此
嫁衣空檢點沾來幅幅泪痕多

室不能同穴可同禮成孤雁血流紅撫棺一慟身拌死舉
案百年事落空堂上無兒偏有婦閨中慘雨更悽風要和
養女貞如此出自臣心一片忠

世澤扶風事可嘉門庭大樹亦堪誇能教兒女成千古不

衡湘泉清集

卷三

五

愧詩書守兩家影隻空幃今若此心除枯井更無佗最難
高節齊衡嶽綽楔

恩榮分外加

死生契闊憾何窮湘水無情咽碧空鶴返有知魂合斷雞
鳴弗覩夢難同緣虛此日三生結

封晉他年一樣隆我欲揚輝施彩筆筆花飛盡媿文通

楊善本

廿六鴛鴦比翼分螺徽虛對鴨爐薰可憐一曲孤鸞調彈
斷清風嶺上雲

鏡臺虛記下溫家素面盈盈淚點斜身是未亡心已死不
教枯井浪生花

贈簪素袂鵲爲旌來拜靈輜奠一觥從此衡山山下路高
臺長仰女懷清

陳國璋

夫亡妾何依身在心已死衰絰入君門百年長視此上如
衡山雲下如湘江水

蔡玉瀛

波不起古井水風不撼女貞木女貞之木多苦心凌霜傲

衡湘泉清集

卷三

三

雪在幽谷卓哉馬氏女矢志眞決絕生不覩藁砧面死願
同藁砧穴過門守節誓不移黃鵠歌啼杜鵑血衡陽之峯
峻而幽湘江之水清且潔山高水長無盡時永與貞女畱
芳烈

胡元鼎

衡陽峯下湘波綠雙妃淚漬江邊竹霜清月白萬千年淑
氣還鍾女貞木貞女甲族本扶風瓊瑤質秘琳閨中冰蕤
爲神金鑄骨早承姆教修雍容豆蔻年時春正好射屏喜
獲外家寶赤綫牢纏蛟蜨雙錦籠待看鴛鴦小西風颯颯

吹衣勁一鐙秋雨文園病藥譜難尋仙島方玉臺虛下溫
家鏡兒身雖是未分明兒心敢渝百歲盟此際驚魂渾欲
絕此時慟哭不成聲收涕登堂再稽首高呼阿耶與阿母
許身已有羅敷夫覆衾甘作黔婁婦縞茵素袂歸來旃盃
酒入奠魂轡前鞠育螟蛉職溘藻從此長調寡女絃貞風
朗節秋霜耿不起波瀾同古井門楣上邀
丹詔旌姓氏會看青史炳吁嗟乎黃鵠歌聲千載哀清風
古嶺青崔巍何當七十二峯下臨波高築懷清臺

胡來儀

衡湘臬清集

卷三

二七

湘江水清水不波衡嶽峯高峯崔戎中產馬氏女堅貞志
不磨黃金未見百兩迂白頭空唱百年歌女兒性烈立誓
守節入得門來麻衣如雪吁嗟乎貞節女子古來少冰雪
梅花共懷抱不見夫貞石泐銘

榮旌節孝直教千古芳名常共綠水青山同不老

施山

清泉百尺冬青樹南嶽鍾靈冠眾芳下有綠鄴資灌溉上
看黃鵠自孤翔風霆百撼根難拔日月東生影亦香已有
螟蛉巢葉底纔移冰雪到衡陽

清泉水清泚水清石見底蒼梧竹痕斑淚染連珠子馬家
有女兒水竹心不滓許爲馮氏婦蘿松相迤邐阿舅官司
馬阿耶漢守儼同是仕宦裔門楣映朱紫君母妾阿姑忝
屬兄妹行事姑會有時計日上君堂花攢金縷衣不久摺
君箱翠裁合歡被不久展君床東南飛孔雀顧影雙雙翔
悲風響庭樹哀書雁寄將君病不知時君疾未能侍不睹
君容儀未聞君命遺君今往九京妾仍深閨寄妾心隨君
死妾命活奚爲穀與君異室同穴妾豈遲誓言從君去妾

衡湘泉清集

卷三

三

願比摩笄阿耶掩兒啼勗兒講大義兒誦柏舟詩那聞以
身殉送兒往女家成兒靡他志阿孃檢麻衣加兒赴孤幃
持踵哭干霄天地爲之悲嗚咽謝耶孃勿爲女兒悼女兒
獨活草疾風成孤抱始平素車迎舅姑冥中泣鬢髻見之
廟宗祖潛太息妾身旣分明作羹祀姑尊洗手入廚下銜
涕聲暗吞灑血憑君棺妾願拊君魂君家忠孝庭高門尊
節誼妾父爲經師授妾綱常字臣妾報所天不貳心匪異
君有螟蛉兒妾願撫君嗣君命洞庭波妾身岫嶼石波逝
返無時石長望夫立上懸明月光下有堅冰姿中央女貞

木歲寒節不移媿我乏形管寡女吟未工用獻采風人承
久光汗青不見九畹蘭千載有餘馨

聶定焜

變故來兮有何常遭逢不幸摧肝腸未能從容叙正禮惟
堅節操履嚴霜秉義但知名分定生前有待死豈忘清泉
貞女系馬氏父官郡守政聲起世戚連縣比潘楊許字煥
孝馮公子公子多病一旦亡貞女聞之悲無已縞素麻衣
入馮門憑棺一慟幾難存父母溫語節哀悼伯舅立嗣延
後昆世人聽者皆嗟歎不問內家外家言此實乾坤正大
衡湘泉清集

卷三

元

氣鍾於女子奮剛毅未有恩情重心盟西山采薇志不異
夷齊高節渾金堅貞女清操璞玉粹父母生女有所歸拭
目快睹鳳凰飛香閨甘蹈冰雪苦意雖垂憐心獨奇破涕
爲笑女能是干將莫邪更光輝同鄉達人著合望周游海
內手持狀路出南郡索詩歌太守語我不容讓我今學荒
棄置人何由振筆爲悲壯

姚澄

門前霜雪古柏香北風蕭蕭黃鵠翔野塘何處啼鴛鴦素
車白馬登君堂牽牛織女成參商死生迢迢永相望旁觀

萬人淚沾裳清泉女兒嫁馮郎

王昶儀

衡山高峩峩松柏標其貞湘水激清湍蘭茝流其馨偉哉
馬家女川嶽鍾菁英未婚爲夫守卓然昭鄉評少小嫻內
訓嫻戚欽儀型人夸織錦才我儲中饋能不爭時世妝容
儀自光明不姿笑語樂發言和以平桃李比綽約霜雪同
清瑩許嫁得賢夫鵬奮千里程關關河洲鳥旦夕期和鳴
何日具百兩樂彼簧與笙佳偶世所羨脈脈含柔情奈何
天不弔玉樹摧其榮織女遲渡河牽牛嗟隕星噩耗忽而

衡湘臬清集

卷三

三十

至深閨哀且驚銜悲語父母莫負馮氏盟同牢與同穴豈
間死與生願卽歸我家終守亡夫靈惟被女貞木歲寒猶
菁菁惟此金石志純一人莫更馮家得聞之遂遣輜軒迎
晴空扇微風飄乎揚采旌輝煌備百禮賀者紛在庭下車
始入門悲酸淚已盈上堂拜木主啜泣聞嚶嚶總幃颯然
動靈爽實式憑入房易綵服衰絰手製成縱聲大號慟賓
客咸涕零我聞黃鵠歌歌自魯陶嬰又聞巴氏婦高臺築
懷清孤嫠樹苦節千古昭精誠何況貞女貞古井波瀾渟
崎行耀白日正氣盈蒼冥自合表門閭

褒崇出

天廷昔受父母訓今貽父母名念彼父母心悲喜交相并
我述貞女風欲令聞者興愧非彤史筆感激心忤忤

方旭

秀才殉國非迂腐首陽餓夫亦千古女子許字知有天凜
然大義同君父馬家有女詠絮才馮郎中表聯嫺譜羅悅
初迎玉鏡臺明珠已繫金釵股百年嘉耦忽成奇狂風噩
雨崩天柱消息依稀夢裏知獨坐空閨淚如雨南山石爛
心不移東海波深憾難補泣血椎心拜耶孃死生大節柔

衡湘泉清集

卷三

三

能吐北風蕭蕭吹素幃嫁衣換卻黃金縷羹湯和淚不能
嘗蟪蛄呱泣機聲苦嗚呼吾家貞女祠五百年來兩見之

阿姊清河矢貞守慷慨臨節還如斯

先五世祖諱法建文之難殉節望江有姊

名川守貞於盛氏臣忠女節各有專祠世享祀旭之從
父姊字同里張子光于歸有日而子光病沒家人未以聞
姊知之泣曰父母而人我也烏有臨大節而不以告者時
桐城失守親朋皆避亂散處於鄉忽子光舅氏吳尹孚夜
至言夜行失途歧走二十餘里若有人誘之來者聞哭聲
大驚異乃爲請於子光父母告諸宗族成禮守志焉姊事
舅姑以孝聞數年子光之弟生子家麟遂撫之英挺無匹
十歲能讀十三經其後生子皆不如也僉以爲貞德之報

云清泉勝事爭題賦豈但傷心同道路遙天似見姊妹花

乾坤幾顆冬青樹我聞忠孝感至誠鬼神飲泣天地驚綱

常自是不朽貞心豈必爭聲名千秋孤瑟和湘靈清泉
山色長青青

丙子春旭在倪豹岑師館舍彭雪琴宮保過荆因得聞
清泉馬貞女事感慕貞義作詩紀之不遑計工拙也旭
姊守貞事與馬貞女畧相同今行年四十矣顧安得如
宮保者爲之闡揚耶因附誌之

調寄滿江紅 陳 旭

巾幘鬚眉直足令衡湘生色人爭羨絳紗華閣翠闌清質
秦晉因緣中表締潘楊才貌天然匹鸞無端飛雪折瓊枝
衡湘泉清集

卷三

三

肝腸裂 人如玉心如石死生異幽明隔慨三星慘淡良
人今夕同穴誓酬鴛塚願撫棺不濺鮫珠泣勒貞珉大節
表千霜

綸音錫

胡廷玉

我欲酌酒奠衡嶽梗枏杞梓維楚多爾來將相接踵起英
風偉烈光山河又聞突兀奇女子抗節亦並山嵯峨太守
令媛少尉婦未婚守義殊曰科幼嫻內則肅容止天成至
性如曹娥閨中忽聞賦鵬鳥從夫子逝心靡他撒去環瑱

易縞素鴛鴦雙死井無波男子殉國女殉節舍身大義明
如何天綱地維賴以立日晶玉潔誰能過舅嫜未事職難
補熊丸苦助猶兒哦伏波家教女亦守泐之貞石口碑歌
驚風動地九疑起湘妃淚竹聲婆娑

吳椿齡

衡峯何峻極遙空鴻雁游俯瞰三湘水清潔入江流念此
鍾靈秀巾幗丈夫侔挺挺女貞姿剛勁克和柔豈必結褵
好抗志乃綢繆輕塵弱草喻安測衷所由委贄例委禽芳
徽靜以修譬如汀際鴛哀鳴泣其雋又如宵行燭爭輝滿
衡湘泉清集

卷三

三

道周維風兼勵俗綽楔炳千秋

霍定安

君不見荳蔻不落含花枯芳心終不墮塵污又不見鴻雁
失偶孤影飛年年去來聲慘悲荳蔻不言雁無語阿誰能
識中心苦中心苦人不知請代貞女吐哀詞自長深閨十
九年嬌小頻邀父母憐許字同里馮家子祇道永結百年
緣桃符纔換歲初更春風偏與儂不情吹斷手中絲五色
枕上鴛鴦繡不成郎命不辰儂命苦生不如死同坏土念
郎無後還強生拚將隻影伴粟主儂身未嫁儂已字此生

誓死靡他志願郎有子紹箕裘請爲立後撫孤嗣含淚辭
親親心酸入郎寢室撫郎棺千呼萬呼郎不應憾世難覓
返魂丹風淒雨苦辜孤慢儂身不得將郎換風晨鶻唬血
淚枯雨夕猿哀肝腸斷吁嗟乎儂心潔潔圭璧儂心清清
冰魄儂心苦苦荼蘼儂心堅堅鐵石堅苦清潔心如斯問
郎九泉知不知

范雙鯉

森然大義懷天常從一終身闔範彰兩姓高門鍾正氣廿
年弱質抱孤芳旌心憾待黃泉雪忍死情難白髮忘竹染
衡湘泉清集

卷三

三

淚痕千點血長遺哀怨結瀟湘

沈兆堃

衡嶽鍾靈湘水潔其間生產多奇節巾幗完人世已希女
子守貞尤義烈聞道清泉有女貞世家絳帳舊知名女貌
莊嚴冰作質女心潔白玉無塵嚴君五馬聲威重繡閣名
姝恣諷誦春風柳絮自成章元日椒花工作頌有姑當日
嫁馮煖從此絲蘿一線牽爲有崔盧中表戚雀屏方許締
良緣仙尉安排百兩將郡伯粧奩七寶裝卜期錦繡芬蘭
麝指日笙簫引鳳皇誰知佳偶天偏妒才郎不復人間住

長吉嘔心血已乾共姜守義詩曾賦妾身既許心亦隨千
秋一刻何容誤縱教滄海變桑田徐淑終是秦嘉婦親心
彌苦女心堅俯成其志劇堪憐吉禮竟偕凶禮作琴瑟無
聲泣斷絃倚問白髮門前送寒帷怕看三星動心怯空房
不忍歸翡翠衾寒誰與共素車白馬去匆匆嬌羞婉轉鎖
眉峯也貼桃符箋欲淡強燒蓮炬淚都紅抱來木主最酸
心撫到桐棺血液傾內外之親同日集一時愁煞兩家人
長干生小未相親死後難尋夢裏魂可憐不字紅顏女斷
雨零風了一生此情精衛憾難填此憾綿綿不計年天地

衡湘泉清集

卷三

三五

彌綸皆正氣斯人地久共長天

聖朝節義勤恩卹旋看

旌表來衡泌皎月當空自有光闡幽愧乏如椽筆

高際雍

年十
二歲

苦雨酸風冷碧紗冰心一片玉無瑕衡湘山水鍾靈異處
子能開旌節花

衡湘泉清集卷之三

續增

同邑李揚華鏡軒編次

鮑源深

衡陽山頭勁柏森清泉江上幽蘭馨蘭幽柏勁誰與伍女
貞一樹長青青淑慎馬家媛大義明詩禮婚姻隨阿姑絲
蘿締馮氏馮氏翩翩佳公子綺歲清才富文史兩番讀禮
愆婚期親迎迫今有日矣鳳鳴方鏘鏘鵬鳥胡來翔鬼伯
何不仁遽奪馮氏郎一朝噩耗傳倉皇蘭閨白日昏無光
號泣呼天天茫茫誓欲以身殉父母慰諭姻戚防慰諭防

衡湘泉清集

卷三

三

守死不得許以奔喪服衰經郎生未識馮郎門郎死乃登
馮郎墳奉郎木主招郎魂宛然結禱郎猶存呼聲慟絕郎
不聞淚溼墳土殷血痕寔多安魂魄爰女身將安歸依倚
無一可上無高堂可奉之舅姑下無同室可撫之嬰雛還
家且傍父母居即以繡闥爲苦廬朝夕閉闥泪眼枯飲冰
茹蘖甘如荼待將承祧事可圖爲郎繼立存其孤他時泉
下與郎俱對郎庶幾遺憾無女之立志如是夫或謂士人
三月廟見乃成婦未醮守貞古無有

震川歸氏
有此議

禮經拘執

亦何爲後儒議論殊否否未嫁女如未仕臣不二之義終

當守能爲閨閣植綱常巾幗完人斯不朽

旌揚已荷

九重恩歌誦更遍萬人口吁嗟乎臣効忠女守節均是乾坤正氣結君不見衡嶽嗟峨湘水激篤生人才多卓絕貞女貞女亦人傑

鄧執孫

衡山極秀麗雲氣常模糊湘水清且漣流作聲嗚嗚造物有遺恨豈與人事殊我聞扶風女息土生名妹兩小結婚媾以姪從其姑三春豔桃李之子將歸于倏驚比翼飛俯

衡湘臬清集

卷三

三七

首哀鳴孤閨中廢飲食泣涕沾羅襦長跪父母前兒身將何如父曰兒勿苦送子以素車驅車出門去蹙蹙歸青廬木主拜尊嫜承祧餽其雛人生在天地敢云缺陷無所恃區區心補救爲良圖古禮謂廟見義始成婦夫豈知柏舟詩夫死永不渝卓哉貞女貞千載榮名俱

唐瑩

南山夫容花北山女貞木聘女與士夫譬如輿有輓翩翩儒家子駒齒捷駢駮御輪會有期勒絕不可續

鵝不鵝不飛蝶非蝶非遊以彼微物性胡爲貞且柔少年

賤結髮一再稱好逑古禮不設制所貴人自謀哀哀衛共
姜渺焉難與儔

扶風有貞女息土衡陽姝爲聯鍾李親以姪從其姑姑慈
撫異腹毛裏無分殊一朝喪所天涕泣歸青廬殉烈豈不
偉睠此承祧孤一身兼嚴慈庶幾慰我夫

昔彈寡女絲今紉慈母線大節無虛榮千古理不變君臣
與夫婦道豈毫髮間竭忠恐無補仗順當作健紛紛蕭呂
輩功業何時建噫嘻女子貞愧死丈夫賤

舒卓元

衡湘泉清集

卷三

三

衡山何蒼蒼湘水何洋洋山川所鍾毓正氣扶人綱豈惟
多國士勳烈輝旂常閨媛亦賢淑蘅芷流芬芳扶風有貞
女許字馮家郎馮郎擅幼慧世業傳青箱發憤耗心力鵬
舍風淒涼遂踵李長吉修文赴天閭畢姻已卜期三星黯
無光噩耗秘不發惟恐女心傷貞女猝聞之泣請於高堂
馮氏兒所天義當奔其喪若禁兒不往一死辭耶孃耶孃
鑒烈性迫與馮氏商素車來迎女綦巾而縞裳抱木主成
禮徑趨總帷旁慨然請立後忍死稱未亡庶代泉下一
綫綿烝嘗當事聞於

朝破格加旌揚題坊勒貞石終古標衡湘

馬照初

湘江水清且泚秀所鍾生之子解一十年乃字女之常中表

爲夫賢且良于飛梁燕將成雙解二將成雙飛無日凶問突

來遑迨吉解三迨吉彼姝未及從夫撤簪脫珥欲從翁姑解四

翁姑早撒手木主誓相守茹荼撫孤月長日久解五良人泉

下暝雙目得茲嘉耦願已足墓旁應產女貞木解六

賀錫珍

女貞一樹生崖際松柏爲心謝華麗不成連理不交柯飽

衡湘泉清集

卷三

三

受風霜耐寒歲風霜顛頽摠由天紅絲繫足記當年初通

庚甲傳鴛譜未出璇閨學採蓮藕絲忽斷蓮心苦忍見香

車到蓬戶嫁衣脫卻換麻衣雪窖冰天拜木主幽窗鐙火

獨鳴機涼月無情人總悵舉頭不看雙棲燕夜靜惟聞窸

鶻飛白玉無瑕光皎潔清芬百世難消滅心如古井斷波

瀾畱得芳名書綽楔

衡湘泉清集卷之四

同邑李揚華鏡軒編次

高寶瑛

古木千章盛終難勝女貞堅剛森正氣鬱茂萃羣英勁節
扶風直澄懷映月明任憑茹蘖苦心跡總冰清
馬女清泉潔馮郎玉樹摧一心堅似鐵萬事冷飛灰貞節
從來重旌花已盛開我亦茹苦者百折志難回

齡文

曾隨宦轍古衡州言到清泉是舊遊貞木扶風森玉樹清

衡湘泉清集

卷四

一

操如雪貯冰甌心傷蕭史歸蓬島腸斷共妾賦柏舟莫道
未亡甘蘖苦承宗大事要人謀

貞女詩徵到帝闈孀閨盟讀倍傷神燕山寡鵠歌悲我湘

水孤鸞調慘人

子賦于歸未久外子即賦仙遊代
爲撫孤教養成立今已三十年矣畢世難

謀夫婿面百年清潔女兒身須知

鳳紵

龍綸貴旌節花開萬代春

楊璿華

喬松鬱蒼翠凌冬見奇特商飈入夜起高柯忽吹折錦宇

虛機絲迴文不成匹淒淒入幕風皎皎當窗月婉彼中閨
女幽蘭比芳潔大義秉權衡所重在存沒勁節以生存勵
志若冰蘖舊鏡委香塵綯衣謁純席殷勤撫孤嗣操持代
子職春華變凜秋帷鐙暗璇室湘江千頃深湘水流不竭
獨抱歲寒心含貞傲霜雪

夔鍾錦

大義扶風出冰霜志凜然哲明千古敬貞節萬人傳寡女
絲纈潔湘娥淚滴穿絲郵不可唾澄澈是清泉

屠瑞霞

衡湘泉清集

卷四

二

一片湘江水孤標許其清潔同霜月皎心比玉壺澄之死
不渝志完貞荅舊盟芳型與亮節彤管表榮名

大義千秋在頽綱獨賴支貞風被衡嶽亮節照湘漪玉鏡
臺空設秦簫憾莫吹冰心有誰識長寄月明知

王綺

隔帷虛記絳絲牽盟譜鴛鴦志總堅一曲孤鸞彈夜月清
風嶺上有同憐

入奠魂韞琥珀斟麻衣如雪淚橫襟衡陽明月瀟湘水應
照冰壺一片心

貞心古井不波生，彤史千秋定有名。
我欲江頭呼一葉，高臺來仰女懷清。

楊瑾華

幽蘭托跡生空谷，獨抱冰心遠塵俗。
瑤姿皎潔照寒泉，素質含輝耀春旭。
喬柯上蔽千仞岡，蟠根勁節凌風蕩。
萋萋百卉俱消盡，孤標獨有寒梅芳。
木蘭墜露繁紅歇，江草江花豈終極。
忽驚別鵠作離聲，湘竹痕斑淚沾臆。
鸞帷匣劍空愴神，璇閨寂寞傷殘春。
瑤琴寶瑟任毀棄，玉臺明鏡埋埃塵。
塵塵侵明鏡，有時滅大義。
千秋皎如日，祇有天邊月共。

衡湘泉清集

卷四

三

明長照貞心表芳烈

俞繡孫

心堅金石永無更，畱得千秋不朽名。
黃土已悲埋玉樹，紅閨猶未賦瓊英。
素車無復三周御，總帳依然百兩迎。
冰雪襟懷松柏操，好憑彤管播幽貞。

楊璐

楚蘭幽操變離音，一曲哀絃罷鼓琴。
歷盡風霜冰雪苦，獨畱勁節歲寒心。

玉鏡空畱證舊盟，秦簫吹斷夢魂驚。
秋風漫譜湘江怨，迸

作淒涼激楚聲

王無非

引義原知一例輕感君松柏共枯榮玉臺尚掩溫家鏡素
志先摧杞婦城冠蓋渡湘觀盛禮篇章盈篋播貞名莫言
孤鶴悲鳴苦一自聞天響更清

續增

陶純焯

璇閨淑質毓清泉未賦于歸痛所天古井澄波心自冷斷
機殘月影難圓衡雲黯淡悲孤鴈楚雨淒涼泣杜鵑

衡湘泉清集

卷四

四

聖代褒崇榮綽楔應知高行耀彤編

王無非

